

欽定四庫全書薈要

集部
別集類

吉林出版集團有限責任公司
海 天 出 版 社

目次

書名	卷次	頁次	作者
誠齋集 卷五五 啓 卷五六 啓 卷五七 啓 卷五八 啓 卷五九 啓 卷六〇 啓 卷六一 啓	卷五五—卷一一〇	三九二—一 三九二—六 三九二—一〇 三九二—一四 三九二—一八 三九二—二一 三九二—二九	宋・楊萬里撰

書名	卷次	頁次	作者
卷六二 書		三九二一三四	
卷六三 書		三九二一五五	
卷六四 書		三九二一六六	
卷六五 書		三九二一七八	
卷六六 書		三九二一八九	
卷六七 書		三九二一〇一	
卷六八 書		三九二一一五	
卷六九 奏對劄子		三九二一二七	
卷七〇 奏對劄子		三九二一四五	

書名	卷次	頁次	作者
卷七一 奏對劄子 卷七十二 記 卷七十三 記 卷七十四 記 卷七十五 記 卷七十六 記 卷七十七 記 卷七十八 序 卷七十九 序		三九二—一五四 三九二—一五八 三九二—一六八 三九二—一七六 三九二—一八五 三九二—一九四 三九二—二〇四 三九二—二一三 三九二—二三二	

書名	卷次	頁次	作者
卷八〇 序		三九二―二三九	
卷八一 序		三九二―二三七	
卷八二 序		三九二―二四五	
卷八三 序		三九二―二五二	
卷八四 序		三九二―二六二	
卷八五 論		三九二―二七五	
卷八六 論		三九二―二八四	
卷八七 論		三九二―二九二	
卷八八 策		三九二―三〇五	

書名	卷次	頁次	作者
卷八九 策 卷九〇 策 卷九一 程試論 卷九二 庸言 卷九三 庸言 卷九四 庸言 卷九五 庸言 卷九六 解 卷九七 雜著		三九二―三三七 三九二―三四九 三九二―三六五 三九二―三八〇 三九二―三九〇 三九二―三九九 三九二―四一〇 三九二―四一九 三九二―四四五	

書名	卷次	頁次	作者
卷九八 雜著		三九二―四五三	
卷九九 雜著		三九二―四六四	
卷一〇〇 雜著		三九二―四七〇	
卷一〇一 雜著		三九二―四七五	
卷一〇二 雜著		三九二―四八〇	
卷一〇三 雜著		三九二―四八四	
卷一〇四 雜著		三九二―四九一	
卷一〇五 尺牘		三九二―四九六	
卷一〇六 尺牘		三九二―五〇九	

書名	卷次	頁次	作者
卷一〇七 尺牘 卷一〇八 尺牘 卷一〇九 尺牘 卷一一〇 尺牘		三九二―五三二 三九二―五三六 三九二―五四九 三九二―五六三	

欽定四庫全書叢要

集部
誠齋集卷五十五至六十

欽定四庫全書叢要卷一萬五千六百三十

集部

誠齋集卷五十五

宋 楊萬里 撰



與前盱眙葛寺丞啓

題慈恩之雁塔初記同年過荆溪之鷁舟再分一日慨
雲散之滋久喜霧披之此逢恭惟宮使判府寺丞氣益
諸公名高當世尊主庇民之學素蘊胸中經天緯地之
文不專紙上蚤擢東堂之桂騰輝南斗之星從鳴弦治
行之最高膺錫環嚴召而入覲簿正外府吏無道情制
除為丞國乃既富一麾出守千騎東方賢于七百里之
長城自當十萬兵之堅寨暫此珍臺之少憩即看廣廈
之論思其十載違離寸心鑒寐不意凋年之遲暮得親
盛德之高明其為驩欣未究宣寫

謝陳左藏啓

屬聞鈴齋小寓長卿之重客誰謂艸徑亦迂韓子之高

詳校官助教臣謝登雋

欽定四庫全書

誠齋集
卷五十五

軒折屐齒以驩迎聽衡牙之清越恭惟判院有譽寡二收科疊雙潛心覃思研百聖之淵蘊下筆摘蔕暗衆作之嚶鳴將總轡于石渠東觀之清蹕聊發軔于都內水衡之劇務某少而嗜學老矣息心照乘連城驚逢至寶之投贈擊轅拊缶弟媿報章之疏蕪感激有懷鋪張何極

回韓撫州賀年啓

御溝新柳初回天上之春江路野梅忽寄隴頭之信感

欽定四庫全書

誠齋集
卷五十五

三

故人之相慶與元日以俱來恭惟判府郎中人門雙高聲實並茂臨康樂山水之郡不妨清游哦少陵鶯花之詩即還近列某立朝無補視陰又新撫歲月之如流慨林泉之未返

辭免贛州得祠進職謝宰執啓

閒館珍臺奉仙真于霞外道山延閣聯論譔于日邊曾是山澤之臞洽于雨露之渥伏念某景薄朽止分甘晏如幼學之壯而欲行之豈不顧仕今老矣無能為也矣

加之卧病頂落黃茅之鄉屬嬰清漳之痼臂使指而衡決錐與穎而仇謀吹燈而作蠅頭故非所辦涉筆而署紙尾亦復作難虛辱千騎之東來敢把一麾而出守額天自免下詔曲從羸牛輟耕聽林間之橫笛老馬倦路脫果下之鳴珂茲益伏遇某官亮天曰仁下士以禮播鈞德普遂萬物之攸宜納隍思深憂一夫之不獲若為老病尚賦餽牽某方息交絕將處陰休影濯清泉以自潔一洗滿裾之埃抱明月而長終未知報德之所

欽定四庫全書

誠齋集
卷五十五

三

賀周丞相遷入府第啓

恭審五卜習吉三神前驅兩兩上能有嚴有翼潭潭新府是斷是遷茲謂天下之廣居曷云一國之鉅室岩壑迎六一之思潁水石繞衛公之平泉楚畹滋蘭淮山移桂雨簾雲棟不但春深將相之家樓影花光別有天入滄浪之瀨恭惟歡慶某凍吟瓮牖跂足宮牆室邇而人則遐空有渴心之勞止屢成而燕不賀自笑病身之孿如

賀太守冬啓

伏以雲低魯觀紀華袞一字之書日麗魏宮詠刺繡五
紋之句瑟彼賓贊蔚乎府庭恭惟某官政隨日新身法
天運名章俊語爭珠星璧月之光義氣仁風回冰谷雪
山之暖聊復折梅于東閣即看鳴玉于紫宸某爭席漁
樵遁身江海華裾織翠自憐賀客之莫隨凍硯流澌更
媿慶賤之不琢

賀周監丞冬啓

欽定四庫全書

誠齋集
卷五十五

四

伏以日華五色初行北陸之虛雲氣萬重特書南至之
瑞仁者賢者神之聽之厥有善祥集于眉壽恭惟某官
才調造乎白雪文律中于黃鐘所謂伊人粹然氷釋而
理順在彼空谷淡乎霜清而水寒盍乘一交陽復之辰
遂邁三點鵝行之羽某羸然病骨老矣空山製江南落
毛之衣聊以卒歲試囊中餐玉之法可以御冬趨賀未
由占詞不敏

賀周丞相冬啓

伏以景至特書紀三台五雲之瑞客來作頌賡萬有千
歲之章協氣橫流沍寒載燠恭惟某官補天道妙播物
功崇徒枉成而橫野水之舟微霰零而縮霖雨之手巡
簷索笑幽尋驛使而折梅登樓銷憂遠睇漁翁之釣雪
長於上古而不老永與造物而為徒某拾橡樂飢采薪
謝火消遥賀厦仰瞻相府之潭居不腆壽觴奉上田家
之老瓦其為頌詠罔既敷陳

謝周監丞啟

冬節餽海
錯果實

欽定四庫全書

誠齋集
卷五十五

五

伏以味鏡潭之漁蝦覺海雨江風之入齒釘氷盤之柿
橘漿烏桺金彈之照人敢期四者之難并乃肯一時而
分付恭惟某官軫交游之雲散感節物之日新舉白飛
觴忽念山中之客絕甘分少送將席上之珍頓首拜嘉
占詞抒謝

謝周丞相賀轉中大夫啓

伏以飛龍在天重開太極春雨潤木四達函生野不遺
于外祠秩增視于內史我聞有命尚未敬授于贊書公

將祇驩相下先逮之慶語小遲九頓首之謝敢忘一援手之恩占詞不莊全度是望

回新知通州葛寺丞啓

布帆無恙尚記江頭楓葉之秋尺素相思忽得隴首梅花之信益清風朗月必思于玄度而高山流水久隔于昌黎側聞千騎之除不越兩淮之近如欲占公論之存否胡不眡善人之屈伸恭惟某官所學深造于道原餘事通達于國體語妙天下親傳前輩之典刑敵在目中

欽定四庫全書

誠齋集
卷五十五

六

自任當世之勛業舊常在漢廷群臣之右者晚乃取唐家一障而乘之袖間之手幾年塞上之馬再至未容葺熏之建即有璽書之追某卧病荒寒懷人悄改誰其見太白於禹穴願言問信於何如安得逢杜甫於飯山空想別來之太瘦抒謝不敏搞詞未殫

除煥章閣待制謝余丞相啓

祝釐報上陪游漢時之祠官第頌展詩復玷堯文之次對方朝廷求舊以示盛德之事何草茅下客乃為多士

之先仰惟七閭之穹崇減去列聖之制作惟我高后如彼陶唐以巍煥之文章式經緯於天地金聲玉振紹二典與三謨星翻漢回舉萬物而五色顧典領之已重況評論之至榮如某者老而益衰病以自免二節以走阻造大昕之朝三命滋恭躋陞法從之列使宅珍臺之拂日得參仙侶之御風據龜殼而食蛤蜊游汗漫九垓之上揭斗柄以幹海水嬉蓬萊方丈之間庸有為人而擇官乃令超世而絕俗此蓋伏遇大丞相學詣乾坤之蘊忠爭日月之光以周公父師之尊弼於嗣聖謂商山羽翼之舊野有遺民徯太上之意先廣初元之孝理某敢不堅此歲晚答於已知放鶴出籠尚竊壯哉崔鼠之餽縱魚入海遂獲沛乎風壑之歸過此以還未知所措

賀周丞相年啓

伏以嗣聖初年慶三朝之元會鴻鈞一氣轉萬國之春風恭惟上相顯面正朝之崇超然倫魁珍臺間館之表法天之運希聖之時隤祉發祥應期紹至水橫梅影舊

欽定四庫全書

誠齋集
卷五十五

七

嘗和玉鉉之羹地出醴泉新釀作椒花之酒願奉上魯
公萬有千歲之遐壽更永觀尚父二十四考之屢書嘉
頌未央脩詞不腆

回周子中監丞賀年啓

伏以王者大一統肇新謹始之元君子法四時哀對履
端之慶是叢壽富康寧之福畢集氣志清明之躬恭惟
某官德行淵騫伯仲伊呂東風解凍吹成白雪之詞章
春日載陽鵲入紫芝之眉宇即覲天門之金榜徑昇卿
月於玉墀某幽屏山寒不知歲換冰花徹骨怯如難至
之鶯柏葉稱觴慙於相賀之燕寸心孤往尺牘萬分

謝周丞相啓

屬入州府獲登相門初求仰潭府而觀光既乃下懸榻
而設醴登樓假日縱觀晴吳曉楚之天說詩解頤朗詠
老蜀歸秦之句雲間梁棟世界鶯花江山遠開應接不
暇超然欲羞蓬萊而薄員嶠浩乎若決雲漢而略棹桑
觀瞻少雙榮感千萬謹抒謝臆仰惟鈞察

欽定四庫全書

誠齋集
卷五十五

八

欽定四庫全書

誠齋集
卷五十五

九

誠齋集卷五十五

欽定四庫全書薈要卷一萬五千六百三十三

集部

誠齋集卷五十六

宋 楊萬里 撰

啓

答周子中監丞賀除待制啓

伏以授靈囿於閒館已冒祠官之除森寶書於玉堂復
塵次對之選方抗章而祈免致抒謝之少臯恭惟某官
文行追乎前修名實冠乎昭代晉伯之與微仲仰玉山

欽定四庫全書

誠齋集
卷五十六

兩峰之並寒東坡之及穎濱豈金支秀華之小異除進
退塞通之外無優劣季孟之間既袖手以旁觀請懸車
而不得清標絕俗高節邁倫元方之難為兄中表每慙
於先用卓茂之拜太傅功名何必於早年某幼辱與游
永矢同志忘形而到爾汝屢分燈燭之光握手而出肺
肝靜看衣紉之變一出而試兩俱無違豈其所操之畸
皆非速售之韞雖枕流漱石終隨高蹈以相依然濁泥
清塵曷曰下風之敢望偶誤膺於異數遽先辱於慶賤

燐霜開電折之光以華其老鏘玉佩瓊琚之韻大振厥
詞先之以河東吹送之私申之以渭北論文之好心萬
其感言多奚為

答撫州周通判啓

恭審端策辰良紆印組之方寸下車燕喜割風月以平
分朝發六一其郊其里之鄉暮登半山若蟠若距之閣
庭闈咫尺官府穹崇雖名兩地之暫殊其實一望而可
接忠孝兼美家國俱榮恭惟判府直閣學傳省齋之衣

欽定四庫全書

誠齋集
卷五十六

職屈士元之驥以三十年涵養之充實久遁其光與二
千石協同於寅恭姑小其試獨不見虹蜺紫翠之暈其
下乃珠玉潛伏之暉有至珍而未沾無深閤之能揜過
庭詩禮瞻夫子之在前錫山土田矜魯公之拜後某自
笑老病其誰嘉矜擁高蓋以及門續其觀者焚枯魚而
酌醴豈曰禮云怙燕賀之未申駭鯉封之先甲靖言多
謝不盡有說

回周丞相賀進爵開國子轉大中大大夫啓

伏以進周家列爵之封其班視子增賈傳超遷之秩有
命在塗顧同時冒寵之疊雙甫邇日拜嘉之先一有待
而謝乃失之臯此益伏遇致政少傅大觀文左丞相國
公洪化嘔枯上仁播物柳舒梅放皆在春風吹萬之中
川泳雲飛孰出元氣函三之外某身其餘幾望已無它
久爭席於漁村尚挂名於官簿連城明月首勤相慶之
瓊詞墜露落英頓喜再回於生意惓惓有感嘯嘯無央
仰惟鈞慈俯賜燭照

欽定四庫全書

誠齋集
卷五十六

三

答周丞相送糟蟹朽木團啓

恭承妙摘走送幽餉疊雙戾止則百拜斯郭索束裝更
挾帶糟之味餼錙彫朽新翻寒具之油豈加籩之敢嘗
敬造禰而先薦同我婦子分此絕甘俾公壽臧餘無以
報

再答周丞相賀除待制啓

帝有恩言陞之次對臣無虛受方且控詞適寸心恍駭
之不遑致尺牘催謝之小緩首蒙相國軫記腐儒先之

以瓊琚玉佩之偉詞申之以鈇畫銀鈎之妙墨非烟非
霧豈不榮色正而芒寒如絲如綸尚未獲下拜而登受
姑徐有頃別繫謝牋不容騎吏之空歸先為感悚而張
本

答吉守啓

比蒙聖恩擢寔次對自顧弗稱再茲固辭致小緩於謝
牋乃先勤於慶牘發緘朗咏摘詞有瑤玉佩瓊琚恍從
霄漢而下墮破甑敝帚忽覺名賈之頓高俟登受於絲
綸頗敬修於札翰姑謝誨劄非日報章仰惟台慈俯垂
亮察

欽定四庫全書

誠齋集
卷五十六

四

賀周丞相年啓

伏以二年正月挈天地以趨新泰階六符開日星之明
朗倬彼造化為工之處郁乎雲煙非霧之祥恭惟某官
一氣轉乎鴻鈞二儀為之交泰揭載陽之日以照平泉
之水石歛解凍之風以熙曲阜之山川侵雪色漏春光
玩萱草柳條之變餐朝霞飲沆瀣迫方瞳綠髮之仙某

青笠遺心白饒託命聯句洛社願聞中立拉花之詞守
歲咸家敬獻子美頌椒之祝

賀周子中監丞年啓

伏以三日立春方過寒氣土牛之送二年正月又見盍
簪捩馬之喧有美一人來同萬福恭惟某官人物標的
文章主盟剪水鏤冰瑤天葩而覲巧御風騎氣與造物
以同游哀對履端之告元乘成泰吉而景進雲隨白水
聊小詠於鶯花日射黃金即高吟於烟草某老兼疾至
坐感時遷江路望梅敬寄一枝之信椒盤柏酒阻稱千
歲之觴

荅周子中啓

屬聞二難胥集方尋對床聽雨之盟一乘載奔願造會
弁如星之列望行塵而未至悵人事之好垂衝泥而歸
弛擔甚愆忽傳魚雁之良訊共歎燕鴻之失期詞旨丁
寧意氣悽斷其為感激罔既敷宣

賀太守年啓

伏以送寒氣以土牛春方迎於帝皞喧盍簪之捩馬歲
又慶於王正有翬邦君之賢允洽國人之頌恭惟某官
奉詔寬大頒條中和春日載陽散作萬家之協氣東風
解凍潛消千里之歎聲哀對履端之告元即觀泰吉之
景進某違離半月瞻仰二天江路望梅敬寄一枝之信
椒盤柏酒阻稱千歲之觴

荅廣東唐憲啓

恭審崇朝而易三節游疏東闕之恩出使而占二星不
離南斗之次光芒所被中外載瞻恭惟某官以清節兩
唐之子孫有萬古之風烈秀林間之桂拂蒼玉之
嶒峨折嶺上之毒漱碧海之芳潤爰自珠宮之市就領
冰坻之鱗曾不踰時復移司憲欲知聖主急賢之意於
屢遷而小觀從此春風玉笋之班即一起而直入某新
摩病眼快睹除書曾燕賀之未遑忽鯉封之先墜媿喜
兼集攄寫奚窮

荅廬陵黃宰啓